

ԲԱՆԻՈՐՈՒՆԵՐԻ ԴՐՈՒԹԻՒՆԸ ԿԱՐԱՌԻՄ

ՆՐՈՒԱՆԴ ԴԱԶԱՐԵԱՆԻ

Շատ սրտակտուր տեսարան է ներկայացնում բանւորների կեանքը՝ օր ըստ օրէ նորոգւող և կերպարանափոխող կարսում: Բազմաթիւ արքունական և մասնաւոր շինութիւնները անդադար ժողովում են ալս փոքրիկ քաղաքի մէջ բանւորների մի ալնպիսի մեծ քանակութիւն, որ ամենևին չը տեսնւած երևութ է միւս զաւառական և նահանջական քաղաքների համար: Ներկայումս կարսի զանազան մասերում՝ թէ քաղաքի մէջ և թէ քաղաքից դուրս՝ ամառը, արեգակի ալրող ճառագայթների տակ, զարնանք և աշնանը՝ ցրտի, անձրևների և կտրող քամիների ենթարկւած՝ աշխատում են բազմաթիւ անտուն և աղքատ մարդիկ, որոնք տեղական լեղուով կրչւում են «իւր զատն եր» (բռնորէր): Նրանք բոլորն էլ օտարական են, Տաճկա-Հալաստանի գիւղերից և քաղաքներից ճնչւած, հալածւած և օտարութեան մէջ իրանց ապրուստը որոնող մարդիկ: Տաճկա-Հալաստանի տնտեսական և բարոյական կրիդիսը ծանր հարւածներ է տալիս ժողովրդի ստորին դասակարգի, ամբոխի ընդհանրութեանը և բաժանում, ցրում, հեռացնում է ժողովուրդը իւր հայրենիքից: Ահա՛ ալդ բաժանւած և հալածւած ամբոխն է, որ գաղթում է ահագին խմբերով դէպի մեր կողմերը և, իւր առօրեայ կտոր հացի համար, լանձնառու է լինում կատարել ամեն տեսակ ծանր ֆիզիքական աշխատանք: Ալդ գաղթական հաշ մարդկանց դրութիւնը աւելի պարզ կերպով աչքի է ընկնում, երբ նրանք խմբւած, ժողովւած են լինում որ և իցէ մի տեղում և պարապում են միատեսակ ընդհանուր աշխատանքով: Հէնց այդպիսի պայմանների մէջ են և կարսի իրդատ-բանւորները: Նրանք ապրում են խմբերով, աշխատում են միասին և կեանքի մի և նոյն պայմանները, մի և նոյն զրկանքը. մի և նոյն չարչարանքը և նեղութիւնը տանում են ընդհանուր և ներդաշնակ համբերութեամբ: Շատ հետաքրքրական է դիտել նրանց հասարակական կեանքը և չարաբերութիւնները, նրանց խմբական ընդհանուր ոգին, ալն ընդհանուր ոյժը, որ կապում, ամրացնում է ալդ ինեղձ հասարակութեան

անդամներին, իսկապէս, հասարակութիւն խօսքը ալստեղ անլարմար է. հասարակական կեանք և լարարերութիւններ, բուն մտքով, ինչպէս որ հասկացում է գիտակցական լարարերութիւնների մէջ, ամենին չը կալ ալստեղ: Չը նախելով բանւորական կեանքի և ապրուստի միակերպութեանը, չը նախելով որ նրանք միշտ և ամեն հանգամանքում, թէ բարոյական և թէ տնտեսական կապերով միացած են իրար հետ, բայց մենք տեսնում ենք, որ ալք տնտեսական և բարոյական կապը, ալք ընդհանուր միացնող ոգին չի տալիս բանւորներին ոչ մի ուժ, ոչ մի օգտակար հասարակական արտօնութիւն: Բանւորների միացած համայնական կեանքը շատ քիչ է նպաստում նրանց բարիւլաւութեանը, շատ չնչին ազդեցութիւն է անում նրանց ընդհանուր ապահովութեան և երջանկութեան վերաջ: Նրանք թէ և ապրում, աշխատում և չարչարում են միասին, թէ և կեանքի բոլոր դառնութիւնները տանում են ընդհանուր, համայնական ուժերով, բայց նրանցից իւրաքանչիւրը, որպէս անհատ, չի զգում ալք իմբական ուժի նշանակութիւնը իւր մէջ, և կեանքի վտանգալից բոլորներում, գոյութեան կռիւի փոթորկալից ալէկոծութիւնների ժամանակ՝ բանւորը, որպէս մի առանձին և անօգնական էակ, երևում է վախկոտ, թույլ և անպաշտպան...

Որպէս զի համոզւի՞նք՝ թէ որքան մեծամեծ վեհաներ է տալիս ալք վախկոտութեան և թուլաստութեան զգացմունքը հալ ժողովրդին, մենք ուշադրութեամբ դիտենք կարսում աշխատող բանւորների առօրեայ կեանքը. նրանց ընդհանուր դրութիւնը և այն լարարերութիւնը, որ գտանւում է ալք բանւորների և տեղական ռուսահպատակ հալերի մէջ:

Ամենից առաջ պէտք է նկատել այն աչքի ընկնող երևութքը, որ տեղացին, կարսի և Ալէքսանդրօպօլի բնիկ ժողովուրդը, երբէք չի ուզում ընդունել, որ ալք գաղթական բանւորները մեղ նման հալեր են, որ ալք խեղճ և ցնցոտիներով պատած ամբօխը՝ մեր արիւնհակից հարազատ եղբայրներն են... Մի տեսակ անզգալ սառնաստութեամբ, մի տեսակ խորթ զգացմունքով են վերաբերւում տեղացի հալերը դէպի տլք խեղճ մարդիկ, դէպի ալք անտէր և անօգնական արարածները: Տեսնելով նրանց սաստիկ աղբատութիւնը, տեսնելով նրանց տոկուն, համբերող և անխօս աշխատասիրութիւնը, նրանց վերին աստիճան ազնիւ, միամիտ և հեղ, ենթարկւող բնաւորութիւնը՝ տեղացի ժողովուրդը, կարծես, աւելի ղալրանում, աւելի գրգռւում է նրանց դէմ, աւելի սառնասիրտ և անզգալ է դառնում դէպի նրանց թշուառութիւնը: Մեր ժողովրդի կարծիքով, սառնաստացի բռնւորը անասուն է, նա չէ արժանի մարդկանց ուշադրութեան, նա ստեղծւած է չարունակ աշխատելու, չարունակ տանջելու և կեանքի մէջ ամեն տեսակ նեղութիւններ ու զրկանքներ տանելու համար:

Ահա այն ընդհանուր կարծիքը, որ տիրում է մեր ժողովրդի մէջ բանւորների մասին, ահա այն գլխաւոր անբարոյական սկզբունքը, որով առաջնորդւում են մերոնք, սկսած հարուստ պօղրեաղչիկներից մինչև

լետին խանութպանը—վերաբերութեամբ աղքատ և մոլորած բանորհների Բանուորը խնդձ է, նա լեզու չ'ունի, նա չի կարող պաշտպանել իւր իրաւունքը, իւր ստացւածքը, իւր պատիւը... ուրեմն պէտք է խարել նրան, պէտք է «էջի նման» ծառայեցնել նրան, պէտք է օգտուել ալի անխօս և միամիտ մարդկանց թուլութիւնից:—Ահա թէ ինչպէս են մտածում մեր վախառու աղաները, մեր դուքանդար, անխիղճ շարչիները, իւր ճշմարտութիւնը օգտուում են բանւորներից և օգտուում են անողորմ կերպով... Փողարդէիկ աղան երբէք չի խղճահարւում կտրել բանւորների թոշակից մի քանի կոպէկ՝ հաստատ գիտնալով, որ ալի մեղքը ոչ մի նետուանք չի ունենալ, որ խնդձ բանւորները անկարող են դանդաղուել: Եւ նա կտրում է հարկւրաւոր բանւորների թոշակից մի կամ երկու կոպէկ իւրաքանչիւրից և տարւալ վերջը՝ ստացւում է աղալի ընթացում «սօլիդնի կօպիտալ»: Չարչի մանրալաճառը անողորմաբար զրաւում է բանւորներին իւր մօտ, զողանում է նրանց հաւատարմութիւնը և ստանալով իւր մօտ պահելու հարկւրաւոր բանւորների տնտեսած փողերը, մի գեղեցիկ օր բոլորովին ուրանում է ալի փողերը, թողնելով բանւորներին՝ ծաւրակդ կենսական պայմանների մէջ: Իսկ ինքը սկսում է աւելի ճոխացնել իւր դուքանդ, աւելի շատացնել ապրանքի «էջիւնները»... Եւ աւսպիսի դէպքերը ունենան սովորական, առօրեայ բաներ են, որ հասարակութիւնը չի էլ դարմանում դրանցով: Եւ էլ դրգուում ալիպիսի շահադիտական «հերոսութիւններով»:

Տաճկաստանցի պանդուխտ բանւորը, ձմրան ցրտերի և անգործութեան ժամանակ, դիմում է տեղացի աղաներին, որ ընդունեն նրան, որպէս տան ծառայ, կամ դուքանի աշխատող և ուլին: Այստեղ նոյնպէս աղաները աշխատում են օգտուել ալի անգործ ուժից, ալի էժանադին և օգտակար ապրանքից:

—Փոր հացի, կ'ուզես արի, չես գալ՝ ուրիշներ չատ կան,—ասում է դուքանդար աղան՝ դուրսը մնացած, սովից և ցրտից կապտած բանւորին: Եւ բանւորը, զիտնալով որ «ուրիշներ չատ կան», համաձայնում է ամբողջ ձմրան ընթացքում, շարունակ 5—6 ամիս, դառն աշխատանքով ծառայել հարստահարիչ աղալի տանը՝ վաչկելով նրանց տան սեղանի մնացորդները և զորա նետ էլ անվերջ անէծքների, հուհուանքների ու շատ անգամ էլ վալրենի ծնծ՝ իւր խանութների և աղաների կողմից...

Եւ ալս բոլոր զրկանքները համբերութեամբ, զլիսակոր և հլու հնազանդութեամբ տանում է տաճկա-հայաստանցի պանդուխտը, առանց մտածելու, որ ինքը Տաճկաստանի մէջ չի ապրում, առանց հասկանալու՝ թէ մեղանում օրէնք կալ, դատաստան կալ, որ կարող է պաշտպանել խնդձերին, որ կարող է զուրա բերել ճշմարտութիւնը և պատժել «աւաղապիւններին...» (նոյնակառուակ՝ փոխանակ պաշտպանելու սկսական շահերը և իրաւունքները ուրիշների դէմ, փոխանակ աշխատելու, որ դանդաղ հարստահարիչ աղաներ չը խնեն իրանց)։ ձևաքից սկսական աշխատանքի ար-

դիւնքը, չը հարսաահարեն նրանց ֆիզիքական ուժը,—կարսի բանւորները, ալի բոլորի փոխարէն, աշխատում են, որքան կարելի է «իրանց զրկել», իրանց կեանքի և ապրուստի պահանջները քչացնել, սղել և անսահման փութը քանակութեան հասցնել... Նրանք իրանց բոլոր դառնութիւնը և վիշտը թափում են իրանց վերայ՝ կեանքի արաքին հանգամանքներից ճնշւած, կալրացած, Նրանք բոլոր ուժով սկսում են հալածել, սանջել և մաշել իրանց՝ առանց աչն էլ տանջւած և չարչարած մարմինը... Եւ ալի է բանւորների միակ «խելացի», միակ լուրջ հասկացողութիւնը կեանքի մէջ. փողը տնտեսել, «չխիշ» անել, կտրել իւր բերանի հացը, ամիսներով տաք կերակուր չ'ուտել, մի կեղտոտ շապիկով ամբողջ տարին անցկացնել, որպէս զի ոտարւայ վերջը մի 30—40 մանէթ ունենալ իւր ծոցում, երբ հարկաւոր է վերադառնալ հայրենիք, իւր ծնողներին, իւր կնոջն և զաւակներին ուրախացնելու։ Ահա ալի վերջնական նպատակի համար է մտածում բանւորը, ալի է նորա երեսակալած ապագայ երջանկութիւնը։ Բայց թէ կը հասնի նա իւր նպատակին,—ալի դեռ ճակատագրական մի հարց է... Կեանքի անողորմ և դառն հանգամանքները ինչեւ չեն բերում խնդճ մարդու գլխին. և վերջապէս, միթէ հեշտ բան է ասել՝ «մի կերպ Լօլա դնալ».—այսօր քաղցած, վաղը կիսակուշտ, միւս օրը դարձեալ քաղցած... ծանր աշխատանք, ցուրտ, քամի, անձրևներ, քրտինք, չողնածութիւն... Ահա թէ ինչ ասել է բանւորների լեզուով «Լօլա դնալ» խօսքերը։ Մարմինը չափազանց կեղտոտում է աշխատանքից, փոշուց, քրտինքից. նորա չապիկը անտանելի հոտ է արձակում,—պէտք է լւացուել, պէտք է մաքրւել ալի կեզսերից... Չէ որ նա էլ մարդ է, նրանում էլ կալ մաքրասիրութեան գաղափարը։ Եւ ահա բանւորները խմբերով վաղում են դէպի դեպը լողանալու։ Նախ հանում են վերալի ցնցոտիները, լնառ կեղտոտ հաստ կտաւէ շապիկը,—աչն շապիկը, որ ամբողջ տարին հագնում են նրանք— և սկսում են լւանալ։ Լւացքի ժամանակ, որ տեղում է բաւական հրկար, բանւորներից շատերը մերկ մարմնով նստած են արևի և քամու տակ... Բայց ալի ոչինչ. նրանք ջանասիրութեամբ լւանում են շապիկները, փրուում են արևի տակ, քարերի, կամ աւազի վերայ և վերջապէս իրանք էլ ընկնում են ջուրը, լողանում են։ Սապօն ունեցողը իւր սապօնի կտորը տալիս է միւսին, որ գլուխը լւանալ, իսկ եթէ ոչ՝ առանց սապօնի էլ «Եօլա» կ'երթալ։ Աչպէս մի ժամ, երկու ժամ լողանալուց և մաքրւելուց չետու, բանւորները գուրս են գալիս գետից, հագնում են իրանց «մաքուր» չորերը, նստոտում են գետի եզերքին և աղուխներից հացի կտորները հանելով՝ սկսում են ուտել ալի ցամաք հացը և աշխուժ խօսակցութիւններ անել... Նրանց խօսակցութիւնը չաա միակողմանի, պարզ և անմիջ է։ Նրանք աչտեղ էլ չարուհակ խօսում են «չխիշ անելու», փող չետ զցելու, հայրենիք վերադառնալու մասին... Յանկարծ գետի միւս ափին՝ մաքուր խճուղու վրայով՝ անցնում է մի հարուստ կառք, լծւած հրկու գե-

գեցիկ սև ձիերով: Կառքի միջից մի չքեղ հագուստով, սիրուն երիտա-
սարդ, պապիրոսը բերանին, դուրս հանեց իւր գլուխը և արհամարհական
հետաքրքրութեամբ նայեց բանւորներին:

—Աղէ՛ն, աղէ՛ն, աղէ՛ն, իւրար անցան շփոթւած բանւորները: Կառ-
քը արագութեամբ անցաւ, տանելով իւր մէջ դիւթական ազալին: Բայց
ազալի մասին զարթնած լիշողութիւնները գնւ երկար շփոթում, զարաց-
նում և ալէկոծում էին բանւորների անարատ հոգին. նրանք շատ եր-
կար խօսում և վիճում էին ազալի «գործերի» և արարքների մասին...
Սակալն, ալդ բոլոր խօսակցութիւններից լետու, տիրեց մի երկարատև,
մեռելապէն լուսթիւն, երբ խօսակիցները դարձեալ մտաբերեցին իրանց
անկարողութիւնը, իրանց թուլութիւնը և վախկոտութիւնը ազանե-
րի գէմ:

Այս փոքրիկ սլասկերով ես կամեցաւ լրացնել ալն տպաւորութիւնը,
որ մարդ ստանում է Կարսի բանւորների գրութիւնից, երբ ուշագրու-
թեամբ և բարեխղճօրէն հետևում է նրանց առօրեայ կեանքի ման-
րամասն երևութներին: Սա ասում եմ «բարեխղճօրէն», որովհետև հասարա-
կական կեանքի շարիքը և խոշոր թերութիւնները նշմարելու, զգալու
համար՝ անհրաժեշտ է ունենալ ազնիւ և անարատ խիղճ, անկաշառ և
մարդասիրական բարձր զգացմունքներ: Հէնց ալդ հոգեկան ընդունակու-
թիւնների պակասութիւնիցն է, որ մարդ կարողանում է սառնութեամբ
և անվրդով նայել ուրիշի թշուառութեան վերալ, կարողանում է հասարա-
կական ողբալի անարդարութիւնների «մօտով անցնել»...

Կարսի բանւորների թէ տնտեսական և թէ հոգեկան կեանքը շատ
ողբալի տպաւորութիւն է անում ամեն մի զգալուն մարդու վերալ. ալդ
թերութիւնները նշմարելու, զգալու համար՝ պէտք է, որ մարդ միայն փր-
չացած չը լինի բարոյագէտ, պէտք է, որ նորա խիղճը բոլորովին մեռած
չը լինի վաճառականական ստոր «հայիւների» տղղեցութեան տակ: Այն
ինչ մենք տեսնում ենք, որ կարացի վաճառականը, փողրաղչիկը, վաշխա-
ռուն, փոխանակ ցաւակցելու Տաճկա-Հաջաստանից եկած մեր թշուառ
եղբայրներին, փոխանակ աշխատելու սփոփել նրանց ցաւերը, մեղմացնել
նրանց վիշտը և տառապանքը.—աշխատում են ղեռ վնասել նրանց, աշ-
խատում են հարստահարել, կողոպտել ալդ խեղճ պանդուխտներին... Ար-
գէն լալտնի է թէ ինչպիսի մեծամեծ լուրերով են գալիս մեզ մօտ աչգ
բանւորները և ինչ բարիքներ են սպասում, առհասարակ, տաճկահայ գիւ-
ղացիք մեզանից: Փոխանակ օգնելու ալդ խեղճներին, որ չուտով կարողա-
նան «ըրստել» իրանց գործը և վերադառնալ հայրենիք,—իրանց բնտանի-
քի օգնութեանը հասնելու, մենք, ոռոսահայերս, աւելի նպաստում ենք
ալդ պանդխտութեան երկարելուն, աւելի չարչարում, տանջում և տնտե-
սական նոր կապերով ամրացնում ենք նրանց մեր շտապէտ գործերի և
ծառայութիւնների հետ: Այսպիսով, տաճկահայ գիւղացին, ցանկալով ա-

դատուել իւր ճշող վաշխառուների պիշակեր ճանկերից, թողնում գալիս է մեզ մօտ, գրկւում է իւր ընտանիքից, իւր հարկների երկրից, իւր սիրած պարտպմունքից, միայն թէ կարողանալ դրստել ինքն իրան... և ալսանդ, մեզ մօտ, նա նորից բռնւում է վաշխառուների ճանկերում, նորից պարտքերի մէջ է ընկնում: Այսպիսով շարունակւում է նորա պանդըխտութիւնը, նորա օտարական, մերկ, քաղցած և անպատիւ, արհամարհած կեանքը: Նա աշխատում, կաշուց դուրս է գալիս, առանց խրնալիւ իւր ուժերը, իւր առողջութիւնը, իւր կեանքը: Սակայն զարձեալ չի կարողանում լին գցել իւր ցանկացած 30—40 ր. գումարը, որ թողնի և հեռանալ պանդխտութիւնից, որ գնալ իւր եղբայրների՝ իւր սիրելիների «հաւարին հասնի»: Անցնում են տարիներ միմեանց ետևից, գալիս են նորերը և պանդխտի սիրտը չի տաքանում Վարսի անհիւրընկալ ապառաժների տակ... Նա օր ըստ օրէ ոտուում, հովանում, անզգալ է դառնում գէպի իւր հարկների երկիրը, գէպի իւր քաղցր բարեկամները և ազգականները: Եւ ալսպիսի վախճան սպասում է հարիւրաւոր, հազարաւոր մարդկանց...

Այժմ դառնաճք Վարսի բանւորների աշխատութեան խնդրին և անանձք թէ ի՞նչ պայմաններում, ի՞նչ եղանակով է կատարւում ալդ և ի՞նչպիսի վարձատրութիւն է տալիս բանւորներին: Որովհետեւ Վարսում չը կան գործարաններ և արդիւնաբերական պարտպմունք, ուստի և բանւորների աշխատանքը չ'ունի մշտական բնաւորութիւն, չ'ունի այն սխառած, ինչ որ կարելի է նմարել՝ օրինակ՝ Բազուի նման մի արդիւնաբերական կենդրոնում: Եւ չպէս վերելում էլ ասացի՝ Վարսում շարունակ լինում են բազմաթիւ թէ արքունական և թէ մասնաւոր շինութիւններ: Հէնց ալդ շինութիւնները—կազարմներ, հիւանդանոցներ, մասնաւոր տներ և մանաւանդ կրպակներ—գրաւում են բանւորների ահագին խումբերին՝ գէպի վերանորոգող զինւորական Վարսը: Բացի ալդ շինութիւններից, բանւորների համար մշտական աշխատանքի ասպարէզ են ներկայացնում խճուղիները, որոնց վերաջ շարունակ աշխատում են նրանք: Ուրեմն այստեղ բանւորական աշխատանքը ոչ թէ փակւած է զանազան հիմնարկութիւնների մէջ, ալ բացօդեալ, ազատ աշխատանք է: Բանւորները աշխատում են ճանապարհների վերաջ, աշխատում են շինութիւնների մէջ—և ալդ բոլոր աշխատանքը նրանք կատարում են բացօդեալ՝ մեծ մասամբ հողի, աւազի և քարերի հետ: Հէնց ալդպիսի պարտպմունքին՝ Վարսի, Ալէքսանդրօպօլի կողմերում տալիս են չատկապէս «իրդատութիւն» անունը: Վարսի բանւորները, շլիսաւորապէս, իրդատներ են: Աշխատութեան ալս եղանակը ունի այն առաւելութիւնը, որ բանւորները միշտ շնչում են մաքուր օդ և բոլորովին ազատ են գործարանական տպականւած և վնասակար մթնոլորտից: Այս է պատճառը, որ առողջապահական միւս վատ պայմանները, մանաւանդ անուշգի վատութիւնը, շատ չի ազդում բանւոր-

ների առողջութեան վերալ. այս է սլատճառը, որ կարսի բանւորները թէն ամիսներով «տաք կերակուր» չեն ուտում, — բայց դարձեալ առողջ են, դարձեալ կարողանում են աշխատել: Մաքուր օդը և մշտական շարժողութիւնը փրկարար աղջեցութիւն են անում բանւորներին առողջութեան վերալ և ազատում են նրանց թոքախտից, արեան սակաւութիւնից (мазокровіе), սրտի և կուրծքի զանազան հիւանդութիւններից, որոնք անբաժան են գործարաններում աշխատող բանւորների հետ: Ի հարկէ բացողեալ ֆիզիքական աշխատանքը ունի և իւր անկարմարութիւնները. ամառուայ արեգակը և լանկարձական փշող ցուրտ քամիները՝ աշխատութիւնից քրտնած բանւորների վերալ՝ կարող են երբեմն զգալի փեսսներ տալ նրանց: Բայց այստեղ սովորութիւնը և կեանքի փոթորիկներից ստացած տոկոսնութիւնը, անշուշտ, ունին մեծ նշանակութիւն՝ մարմնի առողջութիւնը պահպանելու համար: Ընդհանրապէս՝ կարսի բանւորները աւելի առողջ են, քան տկար. զանազան տարափոխիկ վատ ախտեր, որ շատ լատուկ են մեծ կենդրոններում ապրող բանւորներին — այստեղ զեռ մուտք չեն գործել բանւորների մէջ: Այստեղի բանւորները մաքուր, անարատ, «քրիստոնէական» կեանք են վարում. — երանք աւելի աշխատում են, քան թէ ուտում իրանց աշխատածը, աւելի ընդունակ են պահեցողութիւն անել, քան թէ անկանոն վատնողութիւն... Այդ մաքուր և առաքինի սովորութիւնները նրանք ստացել են փոքր հասակից երկրագործական պարապմունքի շնորհիւ:

Կարսի արքունական բոլոր շինութիւնները և խնուղիներ բանալու, նորոգելու գործերը ամբողջովին գտնւում են մի քանի հարուստ կապալառուների ձեռքում: Այդ հարուստ գլխաւոր «պողեւադչիկները» վերցնում են ահագին գործեր, ահագին գումարների շինութիւններ. Գործի չափազանց մեծութիւնը և բարդ կազմակերպութիւնը ուսիպում է նրանց պարզել, հեշտացնել այդ գործը, դիմելով աշխատանքի բաժանման սկզբունքին: Սե ահա գլխաւոր պողեւադչիկը առաջարկում է ուրիշ աւելի քիչ հարուստներին՝ վերցնել իւր ունեցած գործի այս ինչ կամ այն ինչ մասը և կատարել առանձին պալմաններով, առանձին ոլժերով ու մամանակով: Այդ երկրորդական կապալառուները, կամ, ինչպէս ասում են՝ «րեադչիկները», որոշ գումարով և որոշ պալմաններով առնում են մի կտոր գործ և իրանք դառնում են այդ գործի լիակատար տէրը: Ի հարկէ այս վերջինները, առնելով գլխաւոր կապալառուներից այդ գործը, նրան վճարում են որոշ չափով օգուտ կամ ինտերես, աչքիառաջ ունենալով, որ գործից դուրս կը հանեն թէ այդ վճարած ինտերեսը և թէ աւելի օգուտ: Նրանք լուս ունին, որ թէ նիւթերի և թէ աշխատանքի «հարստահարութիւնից» կարող են շատ մեծ օգուտներ ստանալ... Այսպիսի լուսերով բնադչիկները սկսում են գործը՝ առանց մոռանալու, որ «հարստահարութիւնը» միակ միջոցն է, որով կարելի է ցանկացած նպատակին հասնել — կարճ մամանակում ահագին փողեր աշխատել... Սե ահա սկսում է գործը:

«Հեշտ միջոցով, կարճ ժամանակում շատ փող աշխատելու» մտածմունքը անդադար տանջում է գործի տիրոջը և նա գիշեր ցերեկ մտածում, գլուխ է կոտրում՝ հարստահարութեան նորանոր և սրամիտ միջոցներ հնարելու վերադ։ Ամենից առաջ նա մտածում է բանւորների հետ «գործը շինել»։ Կարսում բանւորների վարձատրութեան մասին ոչ մի օրէնք և միջտական դիրք չը կայ։ Թէ օրական վարձի—«գլնտալիկի» և թէ աշխատութեան ժամերի չափը կախած է վարձողի և բանւորների փոխադարձ համաձայնութիւններից։ Անհ հէնց այդ համաձայնութիւն կապցնելու պրօցեսի մէջ մեր ճարտիկ վաճառականները գործ են դնում իրանց առևտրական բոլոր հանճարը... Ի հարկէ նրանց գլխաւոր և ամենամեծ ցանկութիւնն այն է, որ ստիպեն նրանց, ամենաշատ աշխատութեան համար, ստանալ ամենաքիչ վարձատրութիւն։ Այդ նպատակին հասնելու համար՝ վաճառական-բաղչիկները լաւն կերպով օգտուում են բանւորների միամտութիւնից, նրանց փոխադարձ անհամաձայնութիւնից, նրանց աղքատ և անգործ դրութիւնից։ Գարնան սկզբին, երբ դրսի աշխատութիւնները գեւա նոր են սկսւում, երբ աշխատութիւն խնդրողները հարկաւոր եղածից անհամամատ շատ են,—այս դէպքում խօ շատ հեշտ է իրադրածել «շատ աշխատեցնելու և քիչ վճարելու» գաղափարը։ Այս դէպքում հանդամաճքների ուժը վարձողների կողմն է և բանւորները ստիպւած են օրական 30—40 կոպէկով առաւօտից մինչև երեկոյ աշխատել։ Այդ աշխատութեան ժամանակ օրավարձի քանակութիւնը ենթարկւում է չաճախակի և արագ փոփոխութիւնների, որ պատճառում են դարձեալ ոչ թէ բանւորները, այլ իրանք վարձողները։ Յանկարծ՝ մի առաւօտ, նրանք չափաւարում են թէ այլ ևս աշխատանք չը կայ, այլ ևս հարկաւոր չեն բանւորները... Այդ մտացածին գործադուլով բեաղչիկները 1—2 օր ստիպում են բաղմաթիւ մարդկանց անգործ և պարապ մանգալ, թափառելով Կարսի փողոցներում՝ դործ որոնելու։ Այդ պարապութեան ժամանակ՝ բանւորները ծախսում ևն իրանց խնայած մի քանի կոպէկները, որ շատ զղալի է նրանց համար։ Տեսնելով նրանց պարապ և խեղճ գրութիւնը, լիշեալ բեաղչիկները «ղթում են» նրանց վերադ և տալիս են աշխատանք, ի հարկէ, աւելի էժան վարձատրութիւնով։ Այս հարստահարութեան միջոցը ամենից շատ գործադրականն է Կարսում։

Բանւորների աշխատութեան գինը ամենից շատ բարձրանում է առաւ ժամանակ, երբ դրսի աշխատանքը շատ է և բաղմակողմանի և, բացի դրանից, երբ գիւղերում սկսւում է քաղը ու գիւղացիք շատ հարկաւորութիւն ունին քաղւորների։ Ամառաւ չուլիս, օգոստոս ամիսներում Կարսի բանւորները ստանում են 60—65—70 կոպէկ օրավարձ։ Այնպէս որ՝ եթէ միջին թւով հաշւելու լինինք՝ բանւորները ամբողջ աշխատութեան սէզօնում, որ տևում է մօտ 6 ամիս, ստանում են օրական 50 կոպէկ, իսկ ձմեռը մնում են շատերը բոլորովին պարապ։ Եթէ պարապութեան 6 ա-

միտն էլ հաշւենք—դուրս կը գալ. որ տարւալ ընթացքում նրանք ստանում են, միջին թւով, օրական 25 կոպէկ, աշինքն՝ ալեքան փող, որքան մենք մսխում ենք օրական լոկ պապի ռոսի վերալ... Իսկ բանւորը ալդ փողերով պէտք է «ինքը» ապրի և մէկ էլ չետ գցէ, որ մի օր ունենալ 40—50 ռուբլի ճակատագրական գումարը՝ իւր հալընէիքում քալքալւած գործերը դրստելու համար:

Ալստեղ ես աչքի առաջ չ'ունիմ ալն պատահական դժբաղդութիւնները, որ միշտ հեռու չեն բանւորներինց: Որինալ՝ աշխատութեան ընդհատումները վատ եղանակի պատճառով, կապալտութեան անճշդութիւնը քող վճարելու վերաբերութեամբ և ալն: Այդ բոլոր դէպքերում զրկւում են միայն աշխատաւորները: Ամենքին չալտնի է պօղրեաղչիկ Թ.-ի վարմունքը, որ նա հարիւրաւոր մարդկանց զրկեց աշխատութեան վարձից, մատնելով նրանց վերջին չուսահատութեան... Մտաբերելով ալս բոլոր խճճւած հանգամանքները, որ չըջապատում են բանւորական աշխատանքը, շատ հեշտ է եղրակացնել, թէ ո՛րքան ծալրալեղ աստիճանի անապահով է բանւորների զրութիւնը կարսում: Ալն, թէն նրանք ապրում և աշխատում են խմբերով, թէն կեանքի բոլոր հանգամանքներում կապած են նրանք իրար հետ, բալց ալդ միութիւնը ոչ մի արտալատութիւն չ'ունի կեանքի մէջ, նրանց աշխատութեան և ընդհանուր շահերի նկատմամբ: Բանւորները խմբւած են, միացած են իրար հետ, որովհետև կեանքի նեղ հանգամանքները՝ աղքատութիւնը, պանդխտութիւնը, պարապմունքի ընդհանուր լինելը ստիպում են նրանց իրար հետ լինել... Իսկ գիտակցական միութիւն, ընկերական ընդհանուր ներդաշնակութիւն, ընդհանուր շահերի և ինտերեսների լալն հասկացողութիւն,—ալդ բոլորը չը կալ բանւորների մէջ: Հէնց ալդ միութեան և ոլժերի ընդհանուր կապակցութեան (всесоюзная) բացակալութիւնից՝ առաջանում է կարսի բանւորների թշւառ և ընկած դրութիւնը: